

Guangjsih Minzczu Bau

ganhhau: CN45-0036 B.2019 Nd.4 Ng.10 liggaueq geijhailh nienz ndwensam coroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3369期

Bi 2019 “Sam Nyied Sam Bouxcuengh·Aen Ciet Angq Guengjsae” Cawjhoihciengz Hozdung Youq Namzningz Banh

Ndwen 4 ngoenz 4 banhaet, bi 2019 “sam nyied sam Bouxcuengh·aen ciet angq Guengjsae” cawjhoihciengz hozdung youq Gvangjsih Minzczu Bozvuzgvanj hoenghhdw haimuq, vunz lai gak cuz soufuj caeuq bouxhek gak dieg ciengqgo diuqfoux, ciengqyiengi yaem’wenq angqyangz ngoenzciet.

Gicej rox daengz, cawjhoihciengz hozdung baugvat biujyienj coux hek, haimuq biujyienj, langhbaij daejniemh sam aen neiyungz, fwen ndeidingq, diuqfoux angqyangz, langhbaij dinfwngz daegbied gagmiz, doengzcae daejniemh hingz sik lai yiengh, ropcomz langhbaij le gij vwnzva minzczu fungfouq lai yiengh, ndwenngoenz vuenyungz huzndei, gij cingz hwnghat gagsaenq hailangh caeuq gij yiengh-siengq hoenghvuengh minzczu doxgiet

Guengjsae.

Ciengz hawfwen Mbanjcuengh nauhyied ndeu hainduj baez haimuq biujyienj neix, aen doih doiq fwen youz 600 lai boux beixnuengx gak gyaiq soufuj gapbaenz haenx ciengqgok hot fwen gvenqsug, ciengq ok gij angqyangz caeuq cingz hwnjguh mbanjranz, saedyienh loqsiengj lwgminz gak cuz Guengjsae. 《Betgveiq Daihgodangz》comz biujyienj doiq fwen 《Fwenfeiz》Yizcuz, 《Hoihfwen》Bouxcuengh, 《Fwenmbungqmbaj》Yauzczu, 《Golaux Duncuz》daengj lai aen minzczu, langhbaij gij cingzgvang hoenghvuengh hawfwen Mbanjcuengh; hagseng louzhag youq Guengjsae dai Dughmungz cib guet daeu haenx hix ndang daenj buhvaq moqsag hwnj daiz yienjheiq, fwngz doxdaz sim doxlien caezcaemh

ciengq fwen cingzngieih……Haimuq biujyienj ndeiawj, dawz gij hohfuk gyaeunde soengq hawj moix bouxhek daengz ciengz haenx.

Byaij haeuj dieg langhbaij fungsug, Minzczucunh ranzcanx Bouxcuengh cingq langhbaij fungcingz maez vunz, ciengz biujyienj “aeu gwiz” daegsaek Bouxcuengh ndeu hawj vunz lai humx yawj haenx riu ndaej dungx in bae; luengqhongh gijgwn ndei baij ok ngaiz faenj cienzdoengj Guengjsae, dangciengz langhbaij 6 hangh dinfwngz guh faenj; luengqhongh giuzbumz cingq langhbaij dinfwngz guh muhmeh Bouxcuengh Yougyangh, guh beiz faexcuk Gveilin, deu gau Hozbuj daengj langhbaij dinfwngz fwngzguh cienzdoengj minzczu Guengjsae cingj bouxyawj dangciengz caeuqfaenh

daejniemh nyauznyauez; dieg langhbaij huq mizmingz “baenzdauq Guengjsae” hix daezhawj cimz caeuq guh gaiq gwn……Bouxhek daeujaengz cawjhoihciengz caenhcingz gwn, ndoet, guhcaemz, guh’angq, cawx, caenhcingz yiengjsouh gij fukheiq neix.

Mboengq “sam nyied sam Bouxcuengh”, daengx gih hopheux “Guengjsae heiq Mbanjcuengh noengz” “angj diyyuz minzczu” “doxiu youz Guengjsae” “muengx e angq cawx” “huzndei youq Betgveiq” daengj 5 aen vangqhong, banh daih’iek 900 ciengz minzsu vwnzva hozdung, cienzbouh langhbaij gij yiengh siengq moq Guengjsae swnghdai habyouq, yiedcingz gyaez hek, seizdaih moq vuenyungz huzndei.

(Liengz Cingz)



Lungzswng:

“Ciet Byoemraez” Gyaeunde Angqhoh “Sam Nyied Sam”

Ndwen 4 ngoenz 7, Lungzswng Gak Cuz Swciyen Lungzciz Cin Mbanjvangzloz Mbanjyauz banh “ciet byoemraez”, goengq dabsau yiedcingz gyaez hek haenx eu fwen hwnjdaeu, angqcoux goengq bouxhek guet ndaw guet rog daeujaengz, beixnuengx Yauzczu youq ciet byoemraez haiguh roi byoemraez, minzsu cunzyou, langhbaij dinfwngz daemjrok Hungzyauz daengj hozdung lai cung lai yiengh, ciengqgo diuqfoux angqhoh “sam nyied sam”. Ndaw doz dwg beixnuengx Yauzczu langhbaij buhvaq.

(Banh Cisiengz/潘志祥)

Hocouh Si Mboengq “Sam Nyied Sam Bouxcuengh” Yawjnaek Senhconz Yungh Saw Vah Minzczu

Mboengq “sam nyied sam Bouxcuengh”, Hocouh Si Minzczunghveij, Minzyijveij gaenxmaenx boiqhab daengx si mizgven bouhmonz, guh ndei hong yungh saw vah minzczu youq doengh aen hozdung baenzdauq “sam nyied sam Bouxcuengh·aen ciet angq Guengjsae” neix.

Ciuq gij doengjit baijbouh Swcigih Minzczunghveij, Hocouh Si Minzczunghveij, Minzyijveij gyagiengz caeuq gyauyuz, vwnzva, diyyuz, lijfazveij, gvangjden daengj doengh aen

danvih cawjbanh roxaeuz bangbanh aen hozdung baenzdauq “sam nyied sam Bouxcuengh” neix doxdoeng lienzhaeh, cawjdoengh daezhawj saw vah minzczu vunznoix daegbied dwg gij fugsah fanhoiz Sawcuengh, gaenxmaenx doxyaeng gvangqlangh boq, venj, nem gij senhconz byauhyij Cuengh Gun song cungj saw swcigih vwnzgen doengjit iugouz haenx, yungh Cuengh Gun song cungj saw guh, dajveh hoihbiu, veihibyauh(LOGO), ciengzbeigingj aen hozdung, fat senh-

conz swliu, cau ok gij heiqfaenh ndawbiengz angqyangz, huzndei, angqhoh, sonyinx gak mizgven bouhmonz youq mwh haiguh hozdung vwnzva minzsu, caenhliengh yungh vahdoj, vahdeihfueng daengj “vahmbanj” vunz lai gak minzczu dangdieg maij dingq gyaez dingq, ngaih rox dingq rox de, gujli bouxcujciz mwh cujiz hozdung (cezmu), bouxdaeuz gangjavah doengzseiz yungh Vahbujdungh caeuq vah minzczu dangdieg, yungh neix doed ok daegsaek vwnzva

vahgangj minzczu, langhbaij gij daegsaek vwnzva deihfueg lai cung vah huzndei Hocouh Si.

Vih guhsat hangh hong neix, Hocouh Si Minzczunghveij, Minzyijveij dawz cwzyin doeksaed daengz vunz, iugouz mizgven vunz guh ndei hong soucomz gvidangj swliu, nyinhcaen roxyiuj hozdung “sam nyied sam Bouxcuengh” guh ndaej baenzlawz yiengh, cungigez gingniemh ndei baez hozdung neix yungh saw vah minzczu, vih coglaeng hong saw vah minzczu guhyiengh ndei.

(Cau Ginhbinh)